


È L'ONEDÈ

58

DI
BARBIERE

BARBIR!

CHIUSO
PER IL RIPOSO
SETTIMANACE



PAROLE E MUSICA
DI
CARLO MUSI

Èl Lonedè di Barbir! (*)

(58)

A srev pur curios ed savèir al pensir
chi s'èin mess in tèsta qui ch'fan i barbir
ed far mèzza fèsta una volta la stmâna
pr'andar in baracca, per far dla tulliana;
l'am par una cosa acsè fora d' misura
che me ' dirittura
an la poss' accapir!
E acsè l' Lonedè
am par secònd me
chi prèn stâr avert com' e tutt i alter dè!

Al n'è megga vèira! Cuss' a vol po dir quand an s' aegnùss
brisa i mstir! L'è vèira che al mi l'è diffarèint, mo a-j è mi
cugnâ ch' a l' avèin in cà nualter ch' al fa al barbir..., mo sè,
Endricco quell ch' ha qlà buttgheina cineina drî a ch' al pastarol.
Avèin avò del lit seri e po a-j' ho finè per dari rasòn! E difatti
l'è giusta! Com al dis ló, scusam: I barbir j' han èl Lonedè, Mar-
tedè, Giovedè e Vèner ch' in dan un pùnt, a s' ha da ubbligiar dla
zèint a star 12 òur d' aeguit a tiràrs el dida? Prinzipiar a star
a buttèiga sètt dè dla stmâna, sèinza mai avèir un òura d' libertà?
Mo da quant in zà? A-j' ho tgnò finir per dari rasòn e i han
fatt bèin a tors qla mèzza giornata per pssèir andar dov i volen!

Mitti mo pr' esèimpi d' chi omen d' affâr
chi giren, ch' lavòuren per pssèir guadagnâr,
per l'òur j' han bisògn, quand a s' tratta dla barba
d' ciappâr ch' al mumèint, qla giornata ch' i garba;
invez quant j' arrivn', al barbir ch' era in ozi
l' ha ssrâ 'l sò negozi
con tant ed cadnazz:
Av pssi immazinar
s' in s' voln' inquietar
pensand ch' i n' han tèimp e ch' a-j' tòcca d' turnar!

Com' hâl mo da far èl barbir a star a savèir ch' a-j' è dla
zèint ch' a di interèss? A-j' avèin tutt i nustr' interèss! A vèdd
mi cugnâ, Endricco, ch' a l' avèin in cà nualter, che anca lo
am dseva: Boja d' un mònd l'è una vâga galé la nostra! An
s' pol mai movers d' in buttèiga! Del volt al capita un av-
vintòur: An-j' è brisa Endricco? Noncignore, l'è fora a far
una barba! L' avvintòur in tl' andar vî al le trovava int' l' ustari
lè indrètt ch' al zugava a trisètt! Un alter pr' esèimpi capitava
a la matteina un' òura dòpp ch' era avert la buttèiga: An-j' è
al tó padròn? L'è fora a lavurar! Magara a mèzzdè l' era
anch a lètt! Invez adèss con l' affari d' assrar, al bâda piò a
buttèiga perchè al sa ch' l' ha qlà mèzza giornata da far i su
comod!

Adèss per trovar una cumbinaziòn
che l'òur i la ciamen *strabalz d' uccasiòn*,
a-j' è 'l furastir, avvintòur da risòursa,
un alter ch' j' ha furia pr' en perder la còursa
chi zeirch' n' al barbir perchè i vren far tulètta,
ma i ciappen la strètta
ch' in troven incion!
Per l'òur ch' eren vgnò
l' agriva de piò
pensand a st' usanza ch' l' è sòul què da nò!

Dicembre, 1902.

Tott va bèin e tutt sta bèin mo l' affari di furastir al srà
per ch' el buttèigh ch' ein in zèinter! Mo Endricco, mi cugnâ
ch' a l' avèin in cà nualter, al sta zò pr' un stradèll ch' a s' pol
dir bisogna andari a posta per truvarel! Lo i *strabalz* al n' i
egnoss gnanch ed vesta! Basta dir che in t' al savòn al sta
a la mnuda e a in tól una bâla a la volta dal drughir! Anzi
l' aveva una listareina discreta e al padròn vdènd ch' al n' arius-
seva d' arscoder al s' è dezis ed fars avvintòur anca lò per
scuntar èl crèdit in tanti barb! S' ai vein di furastir a Bulògna
al srà pr' el premmi volt e po anca l'òur i s' daran pas e i
turnaran un' altra volta! Scusam a-j' è mi cugnâ, Endricco,
ch' a l' avèin in cà nualter, bèin in buttèiga l' è sòul lò e al
fattarein. S' a-j' vein un bisògn ch' an possa far a manch, hâl
d' abbandunar la buttèiga per lassari sòul al ragazzol? Almanch
acsè quant l' ha qlà mèzza giornata al fa el sòu coss sèinza
pensir e dio!

Chi provn' a dmandar al parèir di avvintur
i vdran ch' i n' attroven un terz ed sicur
ch' en vol bris' andar dal barbir a *scadèinza*
perchè l' è una cosa ch' in polen far sèinza;
l'òur volen trovar ch' al mumèint ch' i bisògna
girand per Bulògna
che tutt seppn' avert!
Bisògna cunvgnir
che a far al barbir
al n' è da cunfònder con tant alter mstir!

S' la fòss una cosa nova quella d' andar dal barbir al
merquel, al sabet e la dmèndga, pazèinzia, mo l' è del zintu-
nara d' ann ch' a-j' è st' usanza! Com dseva mi cugnâ, Endricco,
ch' a l' avèin in cà nualter, al fa: E quant l' usava i *baccalar*
con el lom a oli, che allòura a s' fava del poadur ch' a-j' vleva
del-j' òur, fars arrizzar con i boquel, el tusadur a la Napoleòuna
o a la Fieschi e po el s' faven con el forbs, megga con la macchina
com' i fan adèss e i avvintur s' pardeven del mèzzi giornât e
i aveven pazèinzia piò d' adèss: Cuss' el tutt st' è sparazzisom
ch' i s' en mès adoss che si han d' aspttar un minut al par
chi aven la fivra? Aviv anch dimondi! Nossignore, a-j' ho
sòul quèst! Allòura a vein piò tard! S' al fa tant d' andar vî,
el-j' ein piò 'l volt ch' an s' vèdd piò che quèll ch' al tòurna!
Saviv cuss' a-j' è la nova? A-j' ho pora che quèll ch' ha scrett
sta Canzunèta al l' ava ciappà tant con i barbir perchè al
sia in dèbit ed quattr' o zeinqv mis cun al sò!

An sòn brisa fora per dâri un cunsej,
mo 'vrev diri sòul chi s' ajostn' a la mej
perchè l' è un' usanza ch' la pias a puchessom
s' i s' troven in massa i s' intènden benessom,
chi s' metten d' accord tra padron e minester
anch sèinza rigester
i s' intènden l' istèss!
E acsè 'l Lonedè
am par secònd me
chi prèn star avert com' e tutt i alter dè!

(*) Questa canzonetta fu occasionata dall'agitazione dei lavoratori Barbieri, i quali chiedevano di potere riposare ogni Lunedì dalle 14 in avanti.

ÈL LONEDÈ.... DI BARBIR !

Canzonetta con parlato

Parole e Musica
di CARLO MUSI

Allegretto

Canto

Piano

A srev purcu - rios et saveir al pen -

- sir chi sein mes in te - sta qui chi fan bar - bir ed far mèzza fe - sta una volta la stmana pr'andar in ba -

- racca per far dila tu - ba ma l'ampar una cosa acsè fora d'mi - su - ra che me'dirit - tu - ra anli possa ca -

- pir acsè l'one - dè an pat se cond me chi pren star a - vert com'e tutt i alter dè!

